



UNIVERSITÄTS-  
BIBLIOTHEK  
PADERBORN

**Das Grössere Krancken-Buch, Sampt vorhergehender  
Fürbereitung Zu einem Seeligen End, P. Martini, Capucini**

**Martin <von Cochem>**

**Franckfurt am Mayn, 1689**

Benedictiones super Infirmos.

---

[urn:nbn:de:hbz:466:1-60465](https://nbn-resolving.org/urn:nbn:de:hbz:466:1-60465)

bis colligitur, quod nullus debeat mori sine Aqua benedicta & cruce. Conabitur ergo quilibet Parochus sculpi devotam crucem, pro Agonizantibus, quam singulis usq; ad obitum relinquat.

Ultimò aspergat eum Aquâ bened. dicens;

**P**ER asperisionem pretiosissimi sanguinis Domini nostri Jesu Christi, & per virtutem amarissimæ passionis & mortis suæ, purificet Dominus animam tuam ab omni macula, & liberet te ab omni tentatione Diabolica. In nomine Patri † & Filii &c.

### BENEDICTIONES SUPER INFIRMOS.

**S**acerdos quando visitat infirmum, portet semper stolum secum. & ante discessum legat semper unam, vel plures ex seqq. Benedictionibus super eum: quia sunt valde efficaces tam contra spirituales, quam corporales infirmitates. Repellunt etiam & enervant malignas vires Daemonum, & refocent atq; confortant afflictam animam.

Sacerdos igitur indutus stolâ (vel sine ea, si non ad sit) stans super infirmum dicat;

*Adjutorium nostrum in nomine Dei.*

**Q**ui verbum caro factum est, & habitavit in nobis, nascens ex Maria Virgine; ille per viscera misericordiæ suæ, in quibus visitavit nos Oriens ex alto: & per merita atque intercessionem ejusdem beatissimæ Virginis Mariæ, Matris suæ: nec non & per gloriosa merita sanctorum Apostolorum,  
Mar-

Martyrum, Confessorum, Virginum omniumque Sanctorum: quorum nomina & intercessionem super te invoco. Ille inquam per efficaciam sacratissimæ benedictionis hujus dignetur te liberare ab omni malo, confortare in omni bono & per felicem mortem perducere ad vitam æternam. Am.

*Aspergatur aqua benedicta in modum crucis.*

**B**enedicat te Deus † Pater, qui te creavit in carne: benedicat te Deus † Filius, qui te redemit in cruce. Benedicat te Deus † Spiritus S. qui te sanctificavit in Baptismo. Benedicat te sancta & individua Trinitas † cum omni sua efficacia. Benedicat te beatissima Virgo Maria † benedictione suâ maternâ. Benedicant te omnes Sancti & Sanctæ Dei † benedictione cœlesti & efficacissima. Et ego Sacerdos Dei, licet indignissimus, benedico te, in nomine sanctæ matris Ecclesiæ, juxta potestatem ab ea mihi traditam. Atque hæc benedictiones sint & permaneant in corpore tuo, & in corde tuo, & in anima tua, & in spiritu tuo, & in morte tua. Ne accedere ad te audeat maledictus ille spiritus: sed virtute harum benedictionum fugiat procul à te, territus signo sanctæ crucis, † Domini nostri Jesu Christi: qui cum Patre & Spiritu S. vivit.

*Iterum*

*Iterum aspergatur aqua benedicta.*

**S**ancte Deus † Pater, qui te creavit sua  
Potentia, Sancte te Deus Filius † qui te  
redemit suo sanguine. Sancte te Spiritus †  
Sanctus, qui te sanctificavit infusione sue  
gratiæ. Sancte te beatissima Trinitas virtute  
sua Deifica, & per omnium Sanctorum suo-  
rum merita. Ut corpore & anima pariter  
sanatus (sanata) laudes Divinam Omnipoten-  
tiam, & enarres omnia mirabilia tua.  
Amen.

*Hic imponat extremitatem stola super caput infirmi,  
& dexteram suam super stolam dicens:*

**S**uper ægros manus imponent & bene ha-  
beant. Jesus Mariæ Filius, mundi sa-  
lus & Dominus meritis omnium Sancto-  
rum suorum sit tibi clemens & propitius.  
Amen.

*ψ. Dne exaudi. Dnus vobiscum. Oremus.*

**D**EUS, qui discipulis tuis dedisti pote-  
statem super ægros manus imponendi,  
ut bene habeant: da quæsumus: ut quod  
vita nostra non meremur, id nobis virtute  
Ordinis sacerdotalis, & meritis ac precibus  
beati N. omniumque Sanctorum conceda-  
tur; quo per impositionem manuum no-  
strarum hic famulus tuus ab omni infirmi-  
tate mentis & corporis liberetur, & post  
hanc

hanc vitam gaudia æterna consequatur. Per Christum.

*Oremus.*

**D**EUS humani generis benignissime conditor, & misericordissime reformator, qui nos servos tuos non nostris meritis, sed sola dignatione misericordiae tuæ, ad sacerdotale officium vocare dignatus es; da fiduciam tui muneris exequendi, & ipse in nostro ministerio, quod tuæ est potestatis, operare. Atque intervenientibus precibus & meritis beati N. omniumque SS. tuorum concede propitius; ut hic famulus tuus, in infirmitate corporis constitutus, per tuam bene†dictionem, manuumq; nostrarum impositionem ab eadem citius liberetur: & peccatorum suorum remissione percepta, integrâ mentis & corporis sanitate læteretur. Per Christum.

*Oremus.*

**D**EUS, qui in Filii tui Humilitate jacentem mundum erexisti: Deus qui miserabiliter lapsos, & variis peccatis irretitos Sacerdotum ministerio mundari præcepisti: Deus qui per manus tuæ impositionem animarum & corporum morbos fugasti, idemque opus à discipulis tuis eorumque successoribus fieri voluisti: exaudi preces nostras  
pro

Pro hoc famulo tuo, infirmitate corporis gravato: & manum pietatis tuæ manibus nostris suppone; ut per hanc manus impositionem, te operante, & suffragantibus meritis & precibus gloriosissimi famuli tui beati N. omniumque SS. descendat super eum cœlestis benedictio, gratiaque Spiritus Sancti: ut ab omnibus venenosis nocuentis, universisque infirmitatibus & periculis animæ & corporis liberetur. Per eundem Dominum.

**S**Anet te Deus noster Jesus Christus: intercedat pro te beatissima V. Maria; orent pro te omnes beatorum Spirituum Ordines: interveniant pro te omnes Sancti & Sanctæ DEI; ut plenam & perfectam sanitatem consequaris. In nomine Patris †.

*Det ei stolam osculandam, & addat.*

**B**enedicat tibi Dominus & custodiat te: ostendat Dominus faciem suam tibi & misereatur tui: convertat Dominus vultum suum ad te, & det tibi pacem. Et benedictio Dei omnipotentis, Patris, & Filii, & Spiritus † Sancti descendat super te, & maneat semper tecum. Amen.

*Demum aspergat eum aquâ benedicta.*

**Wie**